

福清縣志卷十九

節婦

國朝

翁氏瑟江人化南里薛舜然子雲定室年二十二而寡遺孤男女俱一屬夫弟雲宦撫教婚嫁至孫曹成立五十年撚麻或靜坐垂涕不越梱日幾盲七十一卒舜紹四子雲官娶魏氏七子雲實娶游氏九子雲賽娶葉氏皆早寡魏先卒游葉與氏卒順治間嚴給諫通傳稱一堂四節

福清縣志

卷十九

節婦

一

葉氏東高山人瞻陽何其達妻也其達多才學爲諸生恒自許科第順治戊子闈撤不售鬱鬱遽卒省會氏慟幾殆而蘇孀守盡孝從線縷中授書課子曰爾父未竟之願爾曷不勉年四十八夫出殯日哀慟絕食竟歿先是氏兄嫂淪亡五世一孤氏撫如子臨終屬其子爲延師娶婦葉氏得不絕焉仲子龍光太學生叔子龍見餼于庠與伯子咸有賢名石門吳太史震方爲立傳

林氏化南里人適本里葉益蒙益蒙客甌水歿遺孤



在抱及一幼女年二十三持苦節備織度日兼精
女紅授鄰女以繼養殮性靜寡言善事姑閭里稱
之初氏嫁時奩頗饒益蒙任俠喜交遊費盡氏撫
孤益貧竈不突烟忍饑待斃無怨容內徙檄下郎
叔移家芝城氏奉垂耄姑跋涉勤侍養遂卒芝城
年五十邑令旌以節孝雙輝

何恭宋時和里進士何邦禮女適本里庠生方奇奇
于順治四年丁亥十二月十四日從進士林塗死
于縣南關外白水湖旁氏年二十有八矢志撫孤

福清縣志

卷十九

節婦

二

課督讀書後子金岳入泮氏年八十七而終

施潤宋玉嶺人年十八適西江劉文培五載而夫歿
孤方三歲家酷貧族人欲嫁之婦曰與其失節而
生無寧死吾死而孤亡如夫嗣何矢志勤紡績養
孤自茹薯葉克饑康熙壬寅值海氛播遷徙省城
艱苦備嘗完全名節孫曾林立卒七十有二

薛氏岐陽人年十九歸瞻陽何履垓父與嗣父皆早
卒事二寡姑得懽心與履垓俱以孝聞迨履垓復
卒寡且貧攜幼子鎮昌鎭昌鎭昌就外家庄居環

堵中持苦節日涕洟撚麻紡且織易米時輟炊不
使聞戶外每誡子曰汝父早世汝貧務益力禮義
寧貧毋墮行以辱汝父語已泣諸子皆泣及晚歲
諸子成立率砥節而館昌娶婦陳氏館昌卒婦又
以烈著士大夫以聞于學憲上其事于大中丞扁
其門曰峻節雙標

吳兆使玉塘進士吳濂姑適江陰文學陳可俵夫卒
世值甲寅耿變賊逼幼孤氏冒白刃救子力不能
支子被擄至漳郡罄家貲贖回課督成立策名成

福清縣志

卷十九

節婦

三

均孫九齡十一歲入泮乾隆丙辰成進士餘列膠
庠四代同堂年八十有六終撫憲張伯行旌以節

馨蘭桂

林懋敬候邑水西侍郎林春澤曾孫女適諸生許世
瑞氏年二十有九瑞卒青閨自守事祖姑及姑教
幼子廷訓登康熙己酉賢書順治戊子寇犯城年
饑人至相食廷訓路拾遺金馳歸告母母曰時方
饑謹此物或賣妻鬻子未可知也急持還之廷訓
候干道左見一人徬徨至止乃熟識張姓也問其

所從來曰失領軍詔銀三十兩軍需旁午刻卽欲
應遲則按軍法矣慰而還之拜謝而去更買婢聞
其故家女歸其父不責償素奉大士持長齋一生
飲食只用木箸一雙至今尙存年節俱奉年九十
五知時日而卒

何整使龍田何得浩女適玉塘吳載炳夫卒年二十
有四男世治方三歲遭耿變家貲被掠罄空矢志
孀守四十四年課督長孫延和食餼膺歲薦餘皆
成立壽六十八

福清縣志

卷十九

節婦

四

陳舉官玉澗孝廉陳立敏女適逕江庠生林秀起氏
年二十有一而夫卒撫遺孤人隆孀守三十餘年
和丸書荻親自督課人隆髫齡食餼康熙戊子恩
貢任尤溪學博雍正五年氏奉

旌祀節孝祠贈正八品孺人

林翼官玉亭林太華女適北二隅孝廉夏春暉男諸
生起光氏年十九孀居撫庶孤成立先世尙停棺
柩六七部未葬氏次第營造墳墓祀節孝祠

甄氏江南亳州人前薛薛逸野客亳娶之于歸二載

夫病藥餌必躬親夫卒踰月生男仲履時氏年十七扶櫬歸里矢志孀守事翁姑育孤子後值調遷田廬盡棄無以爲生與伯姆翁氏二寡相依卒年五十四明經謝昂爲立傳邑侯吳請旌入節孝祠倪采蘋隆仁里倪清女歸時和里庠生方日懋長子豸夫卒孀居三十一年至五十五歲而卒邑侯以天植完節表其閭

俞瑞哥里美人適磨石儒士黃士淇夫卒一孤又殤外氏欲謀螟蛉氏不許曰有夫弟士浩在俟其生

福清縣志

卷十九

節婦

五

子可以承祧時海寇猖狂士浩虜于海遣人賫金贖歸代婚娶浩又罹飛殃繫獄氏爲訴寃得脫後浩舉三男以其長男爲已嗣焉卒年七十有八

周仲宋松潭人歸儒士劉崇益夫卒無子夫弟方四歲家貧年荒氏勤作易米供翁姑與夫弟自己只食麥麩夫弟得存以繼宗祧氏之功也邑侯傳旌以節孝可風學憲趙給扁旌以冰玉堅操卒年七十有五祀節孝祠

鄭邀宋永賓里人適新安里李志協夫卒氏年二十

六雙親在堂孤子長五齡次五月事舅姑以養以葬無分勞焉卒年六十有三長子李正錦娶永賓里陳本欽女錦卒陳哀慟欲殉念身有娠不忍決及期生男遂苦志撫孤日紡織以濟貧男稍長姑保之陳築之髫齡入泮乙巳歲隣夜失火延及李家陳在寢忽聽神云陳婦在此驚覺而起其感格有如此者卒年五十有九

陳細宋西塘陳瓊池女適玉塘庠生吳山夫卒孀居時際亂離百般艱苦氏調劑有方際重徭而不失

福清縣志

卷十九

節婦

六

寸產撫兩男葬三世已親無嗣時奉烝嘗可謂吳門之功臣陳氏之孝女矣兒孫蕃衍享耄耄宜哉余莊使東瀛人適文峯薛亨廷夫卒氏年二十四就死者數翁姑舉遺腹以論之氏乃聽命越四月舉一男教督成立孫曾世有文名年七十有八而終邑紳林日光爲之傳

林建哥東瀚宮保林兆鼎女適魏方伯曾孫邑廩生伯荃荃卒氏年二十六矢志冰霜歷四十三載終始一節

周金環松潭人適時和里余廷茂年十九夫卒無嗣
時值調遷百苦俱嘗展復後得歸里擇嗣男爲之
婚娶葬翁姑及夫柩卒年九十有八邑侯張士琪
旌其門曰冰霜懿範

鄭外宋長樂松下人適時和里陳朝魁年二十于歸
四載夫卒矢志孀守擇承祧值調遷寄寓臺邊展
復後葬先人爲嗣男婚娶卒年八十有五

陳璧宋江陰里人道登瀛余士瑀業儒不就去而經
商往廣南舟沒氏慟不欲生因念遺孤方二齡老

福清縣志

卷十九

節婦

七

姑誰賴矢志孀守喪葬婚娶各盡其禮年九十一
莊賽璋江陰里州牧莊振徽之姑適本里孝子陳可
徵因可徵代父殉難身亡氏懷孕九個月海寇猖
狂家產一空逃綿亭夫姑郭家生子光斌矢志孀
守訓子成立入泮雍正年間崇祀節孝祠

黃氏鎮東博士黃見泰姪女適前王王士捷夫卒氏
年方十九孀守撫孤時值海氛猖獗暗藏利刃挺
身衛姑割面自全邑侯王淳旌以節孝年八十子
孫林立氏無疾端坐而逝

吳氏前王王世珍妻夫卒氏年方二十一姑染瘋疾
氏奉侍始終不倦男寬幼年入泮長孫聯芳年十
七亦人郡庠氏年九十而逝紳士僉請學憲史陸
輿旌以節孝可風

連省宋務厚林欲立妻年十八于歸後夫染血疾氏
撤簪珥衣服供醫藥弗效逾年卒氏有身將產祝
曰天不絕吾夫嗣乞生男及娩果然苦守撫孤得
以成立孫曹統滕年八十有三而終

薛重官上薛人龍田儒士張大裕妻也年二十八而

福清縣志

卷十九

節婦

八

夫卒遺孤明坤幼夫翁植庭客于山左姑痛子奄
奄欲絕氏忍苦吞聲承歡菽水未幾姑卒值調遷
移居省城女紅餽口迨明坤長泣語之曰而祖父
老矣久淹于外盍往尋之適族人有山左之行挈
之去植庭見孫喜甚在山左爲娶婦同歸後植庭
卒又值取變子明坤又先逝與寡媳二孫相依數
十年遭家不造喪夫喪姑喪夫翁喪子皆氏經紀
其事遇彌迤而操彌厲尤爲巾幗所難年七十五
魏冬官在坊諸生魏正中女適永東里州牧劉嗣徽

次子庠生雲登氏年二十二而雲登卒鄭藻宋新安里柏渡諸生邦彥女適嗣徽三子昌寅氏年十九而昌寅卒二氏均未有子飲冰茹檠終身不二人之手魏年八十有五而終鄭年八十有二而終俱祀節孝祠

陳靖宋赤巖陳京文女適時和里施尚謀夫卒子方週歲氏年二十家無遺產紡績爲生孝養翁姑課督幼子孫曾蕃衍年七十有五而終

福清縣志

卷十九

節婦

九

楊瓊官在坊諸生楊朝熙女適文興里玉塘儒士吳可淳夫卒子方五歲翁姑在堂氏年二十有九矢志守節事翁姑撫孤兒乾隆四年奉

旌建坊文興里利橋街次年卒八十一

何氏時和里何廷璽女適本里方瓊年二十六而夫卒孀守撫孤事翁姑生孝養死營葬居家勤儉年八十有一而終

陳宣肅化州學正陳實女文興里林廷光妻也年二十一而寡矢志孀守撫三月遺孤成立年八十有

四而卒邑侯張爲請祀節孝祠

李冬宋磁壑李郁文女明季文自磁壑遷海壇氏年十三適大墩甲儒士施正良良卒遺孤三氏忍死撫育之家甚貧值海上寇擾與三弱子相保以生幾閱艱辛俾克有成卒年七十有八孫萬春乾隆壬戌進士

葉嘉宜庠生葉士觀女適舉人林蘭華三子爲裘夫卒氏年二十四守節五十四年乾隆元年題旌

祀閩邑節孝祠

福清縣志

卷十九

節婦

十

林閩宋宦街人適文興里吳鳳朝年十九夫卒家貧孀守翁姑病兩次割股苦節四十餘年前府憲王原直旌以柏舟冰操年七十有二而終

王淑賢候邑人適福清諸生陳利仁年十九夫卒遺孤又殤氏痛不欲生念夫有生母瘋疾強活奉事歷十餘載夫有異母幼弟五人氏撫養成立爲次弟壽仁婚娶生男雲鵬立爲夫後邑侯王旌其閭曰松筠比節享年九十有五祀節孝祠

陳穎官省城後街人適龍田張時叶夫卒氏年二十

撫二孤女孀守五十餘年至七十五歲而終旌表
建坊在省北門外

葉芝官文忠公四世孫翰林院待詔進晟女適進士
鄭應侯長子庠生一杞年二十六而夫卒守節三
十二年撫二子俱成立長遊成均選銓曹孫男濟
濟克振家聲

陳靜宋星橋陳長協女適本里贈庶吉士諸生李復
旦次子志行十八于歸克盡婦道持家數載不聞
詬諍聲夫病侍湯藥三年衣不解帶康熙丁卯夫

福清縣志

卷十九

節婦

十一

死兩男俱幼氏痛不欲生絕飲食數日翁姑及郎
伯慰之曰若死奈兩孤何再三勸勉乃進湯粥課
子讀書不許少懈子八泮宮遊國學孫八曾孫十
有三享年七十有五祀節孝祠建坊五龍塔橋東
陳懿宋溪巷人適務厚林欲宋年二十七夫卒無翁
姑昆仲氏孀居苦節撫二孤成立旌獎粟帛年七
十有八而終

王端宋化北上里王漢斗女適本里陳嘉裕夫卒年
二十六只遺一子孀守撫孤年六十有九而終

俞寶宋里美俞君發女適玉亭林樞侯年十六于歸
未及六年夫卒遺孤三歲環堵蕭然矢志孀守紡
織度生上事老翁下撫幼孤三十餘年足不踰閭
身不御華行年五十有六終始如一

陳氏玉澗人適薛港庠生薛一幅男廩生傅年二十
三而夫卒氏孀居課督嗣子苦守五十五年孫國
策登雍正己酉賢書

張季宋永賓里候俸張宗搏女適本里李景上康熙
甲子年征臺有功授功加上京引見卒于京氏

福清縣志

卷十九

節婦

十三

矢志孀守撫二子成立年九十有四而終

朱藩宋漳浦朱元瑞女適五九都鄭君美夫卒氏年
二十四無產業可依貞志不移奉老姑撫孤子無
忝孝慈可謂難矣邑侯于旌之年八十有九卒

吳淑禎玉塘人適玉澗文學陳安仁夫早世氏上事
舅姑下撫孤兒成立持家有道男孫女孫婚嫁均
出氏手年七十而終

何莊宋龍田何旭初女適綿亭郭君舜夫卒于山東
臨清縣氏賣簪珥運柩回居貧守節卒年八十二

嚴靜宋嚴梅先女適江陰里翁卿珮夫卒矢志孀守
撫孤成立年八十一卒署邑侯崔旌以松筠勁節
張氏龍田人岐陽薛仲謀妻年二十四夫卒無子矢
志孀守夫兄仲蕃宰辰谿延氏到署氏謝曰青年
孀婦不宜遠涉紡績度生晏如也年六十三卒

許閏宋蘇田里人歸江陰薛朝美年二十一而夫卒
子方週歲矢志守節事翁姑孝敬隣里僉請旌表
署邑侯王季旌以孝節雙全

薛聯宋化南里薛奕男女適仁壽里郭忠烈曾孫家
福清縣志 卷十九 節婦 三

錦夫卒氏年二十九矢志孀守以女紅度生日夜
不怠課子嚴而有方卒年六十

陳馨宋隆仁里人適逕江監生林駿學夫卒氏年二
十五矢志守孀守署督憲禮部左侍郎史旌以貞烈
可風卒年七十有三

黃麟宋南日董庄人年二十適柯峯陳彬廷夫卒氏
年二十七孀撫二男列太學邑侯劉與可旌以節
孝勤劬年六十有五而卒

林貴宋新安里林志碩女適仁壽里郭忠烈曾孫家

韜夫卒氏年二十八孀守三十八年足不踰閭自
守有禮訓子有方卒年六十有五

林端雅白鶴監生林增蕃之女適化北里康熙辛卯
舉人王譁夫卒氏年二十八孀守三十六載乾隆
九年旌表建坊

鄭寧宋定山鄭孔平女適綿亭郭忠正夫往南日教
讀溺水死氏年方二十一子週歲在抱一子遺
腹三月氏矢志孀守年七十五而卒

翁靜宋江陰里人適虹谿黃廷亨夫卒氏年二十六
福清縣志 卷十九 節婦 古

生一子矢志孀守邑侯潘樹柟旌以節凜冰霜年
七十一而終

劉金宋永東里劉五如女適修仁里儒士董鳳苞夫
死矢志事姑撫男卒年七十有七邑侯王旌以節
高仁里後建坊表其節孝

薛瑜宋岐陽諸生薛周文長女歸梅塘毛以獻夫死
子甫四歲孀守撫孤成立併造墳營葬翁姑與夫
四姻族姪毛久煥妻郭氏早寡氏哀之召與其居
曲盡解推以成其節卒年七十有五

方庚宋東峰方啓德女適時和里何魁芳夫卒氏年
方二十三翁叔繼亡只遺二孤老姑在堂無人供
奉氏矢志孀守勉力孝奉年六十有二邑侯旌以
操守堅貞迄今孫曾繩繩雍泮揚徽

鄭瓊宋龍田何正景妻夫卒氏年二十有四家無餘
產繼姑寡而病日事之盡禮一男一女熒熒在抱
日夜紡績營生後子八成均卒年六十有六建坊
在時和里見龍橋

范永第龍田何上昆妻福州叅將范維潔女也適何

福清縣志

卷十九

節婦

五

門恭順無間夫客死粵東不稔所在親屬恐傷其
母心也諱不以聞氏乃不之知焉時氏年二十七
長兒甫五齡次呱呱在抱氏望夫歸有期凡自粵
來者必詢所在杳無音耗心甚憂之日勤女紅撫
其二孤奉老姑靡懈迨姑卒氏年逾四旬矣始知
夫已早逝哀慟幾絕舉喪三年教督兒孫咸克有
成卒年六十有八范江南人

何文使時和里何同昆女適化南里貢生李瑜氏年
二十有一夫卒子琳甫三歲撫養成立由郡庠貢

成均旋天復撫其孫卒年六十有二祀節孝祠建坊在省北門外新店地方

其姿官功加都督守備其鎬女歸龍田何得愷夫卒遺孤方五歲氏欲殉念呱呱在抱爲夫延一綫之脈撫養成立入國學年五十而終

王福宋平北下里王兆申女適潯洋里儒士林以惠生兩男夫病剖左股和藥未幾夫卒水漿不入口者數日家人勸之曰二老在堂二孤在抱誰爲奉事撫養氏乃孀守事翁姑撫孤子紡績無少懈後

福清縣志

卷十九

節婦

夫

姑病願減壽以代割右股和藥及翁姑繼亡竭力營葬孀守四十五年卒時七十有三子孫林立

鄭氏修仁里鄭介公裔孫女年十八于歸魏孝廉汝振子邑庠生伯萼爲繼室方數月萼隨父任廣西荔浦令卒于署未幾嫡孤復殤氏孀守奉姑訓嗣男有方終身茹素卒年七十有五邑侯梁才僕表其門相國安溪李公氏嗣男來聘年伯也嘉其節爲之立傳

翁柔宋瑟江人適龍田張士亨五載而夫歿氏孀守

苦節紡績勤勞撫子成立年七十八卒雍正三年
旌表建坊省郊祀節孝祠

林護宋隆仁里林應籌女適化北里陳兆熊夫卒氏
年二十七苦志孀居撫訓諸兒有賢母風年九十
一邑侯吳扁旌其節

何慈官龍田何應昆女適鎮東劉士起年二十九而
寡遺孤二貧無立錐依外家孀守力勤忍饑撫孤
有成歷三十餘年卒

林安宋上逕林士獲女適綿亭郭伯海十八歲于歸

福清縣志

卷十九

節婦

七

甫三年而夫卒時值調遷堅守苦節卒年八十有
五邑侯張旌以志切冰霜建坊 旌表暨于綿亭

嶺道傍

潘清宋方民里潘廷觀女適方成里林道煥夫卒氏
矢志撫孤男伯瑾娶婦陳魁宋未幾男亦夭潘氏
與媳陳氏朝夕相依共撫二孫署邑侯扁其門曰
矢節完貞卒年八十有四

徐平宋永賓里徐啓光女適方成里蓮與盧士旭男
秉文年十九旭卒子正忠方週歲氏撫之成立娶

陳樂欽女信宋爲媳生孫七齡正忠復卒陳二十有七亦矢志孀守姑媳相依備極勞瘁孫長代婚乾隆丁巳蒙恩賜粟帛卒年八十有五陳今年亦五十有五

俞奇宋里美俞虞卿女適永賓里岱石張守叢夫卒氏年二十有六遺腹越九日生男撫養成立年八十有四而終

林冕使南日里林賓先女適薛港薛憲奇于歸甫四月夫往處州貿易而卒氏矢志孀居年七十六終

福清縣志

卷十九

節婦

六

陳嘉使玉澗貢士陳起綸女適宦街貢士林國煒子日墻夫卒氏年二十有六遺孤枝蘭方三歲撫養成立爲邑學生年八十有八而終

黃定宋方興里磨石人適逕江林世達夫卒孀守耐饑寒勤緝紡傾出積餘埋葬翁姑及夫柩後本房夫弟世禧卒弟婦周氏撫二孤念氏苦節以長子承其嗣氏年八十二蒙恩給賞妯娌稱雙節云

李安宋西陳人適瑟江諸生翁聯奮次子肇恭年二十五夫卒孀居撫嗣子存品成立年六十而終

張元官時和里庠生張鎬女年十九適玉澗陳實蓁
于歸三載生一子大病籲天請以身代夫卒痛哭
欲絕勺水不入口者數日母諭以二老在堂一孤
在抱氏始隱忍爲未亡人事翁姑盡禮教幼子成
立奉 旨旌表建坊縣北關內祀節孝祠卒年八
十有五

施科宋龍田施是復女適本鎮何義昆夫病湯藥不
懈夫卒家徒四壁拮据殯殮子方八歲身勤紡績
儉積娶婦後子婦繼亡命也如何年七十有五

福清縣志

卷十九

節婦

十九

謝長宋五九都鄭翠舉之女適圻厝林子發夫卒氏
卽欲殉族鄰止之曰堂有祖姑及姑兩老誰靠不
得已孀守事二老得其歡心祖姑倪氏病醫治不
痊氏割股和藥其病以愈後姑吳氏病氏焚香告
天願以身代姑愈而氏死矣

吳金宋五九都吳君旦女適化南里林殿如于歸二
載夫卒氏年方二十矢志孀守紡績奉姑邑侯王
孚旌表其閭

吳靜宋玉塘吳明允女適藍水庠生何日貢男望聖

于歸八載夫卒氏淡泊自甘訓撫嗣子成立孀守空幃者五十八年享壽八十有二

江玉官后埔江彥哲女年十八適施觀千千繼胞叔嗣早夭嗣母在堂遺孤幼穉氏年方二十四苦節孀居孝養嗣姑姑歿喪葬盡禮厥後孫八成均曾孫遊泮水年八十有七而終

王靜宋王君雲之女庠生倪廷棟之妻年十六于歸夫病卧床氏叩天割股湯藥不懈夫故欲殉家人勸以姑老郎叔幼穉夫嗣未擇柩未葬不得以一福清縣志 卷十九 節婦 三 死終局也氏乃孀守經營家計各盡其道享年七十有餘

林莊宋庠生林宗紀之女儒士嚴宗浚妻也夫歿氏年二十二遺孤方四歲矢志孀守撫孤學殖有成名列成均歷四十餘年而終奉 旌祀節孝祠

許明娘陳鼎祚妻十八于歸生一子夫卒年二十二矢志孀守訓子成立孝事舅姑名題節孝祠扁額林從宋永東里儒士俞元惠妻將婚期夫病篤母止之氏泣曰往而侍藥分也生死曷計合卺三日而

夫死氏矢志守節爲夫擇嗣營葬閭里稱之經

旌獎祀節孝祠卒年八十有五建坊里門

林貴宋新豐里兗州叅將林鳳女適文興里監生吳

名繡夫卒于氏父官署氏年二十六矢志孀守撫

遺腹以續宗祧歷節二十九年至五十四歲而卒

魏宜宋化北上里庠生余瑞儀妻也年二十一于歸

至二十九歲而寡矢志

撫孤備嘗艱苦事翁姑克盡婦道孀居四十二載經

旌獎祀節孝祠

黃官妹適逕江林門早寡媳莊大妹亦早寡婆媳同

福清縣志

卷十九

節婦

廿

心守節備歷艱難始終不渝祀節孝祠

林秀宋北二隅庠生吳承軾妻夫卒氏年二十八矢

志撫孤期克成立霜砧月杵歷數十年艱

苦恬然安之膺

旌祀節孝祠

倪福官永壽里人適永東里劉德祐夫卒矢志孀守

飲槩茹荼事翁姑撫孤子孝慈備至祀節孝祠建

坊永壽里

黃靜宋六一都黃天箕之女陳恒泰之妻也夫卒氏

矢志孀守始終不渝祀節孝祠

陳景宋永賓里人適新安里林開鍾夫卒男未週矢志守節歷數十年如一日邑侯劉旌以皓首完貞余龍宋時和里余而粹女適仁壽里陳汝擎夫卒家貧矢志撫孤成立享年八十有二四代同堂

蔡寧宋永福里人適玉澗陳恭霖年二十七而夫卒遺三子長方四歲翁姑老且貧資給于翁之從堂叔從義氏苦志孀守翁姑歿哀慟感人翁之從弟文雋以葬已之吉穴葬之且助其三子婚娶悲氏之節成其志也卒于乾隆壬戌年七十有七

福清縣志

卷十九

節婦

三

吳換宋玉塘吳茂爵女適隆仁里李昌發夫卒氏年二十矢志孀守翁病瘡割股和藥姑何氏瞽日早晚梳洗必躬代之撫二子成立蒙 恩給絹棉米肉卒年七十有五

吳祉宋方民里務後林士信妻幼通女史明大義事姑陳氏至孝年二十夫卒期以身殉姑慰諭再三勉從姑命愈孝謹言笑不苟足不踰閫二十餘年及病革自爲文以祭夫及絕命詩怨而不怒以夫伯子繼其婁陳訓官廩生瓊妻也年二十六而寡

矢志撫孤力貧孝養甚得姑歡心宮詹陳公浩以
冰心雙照旌其門

何爵使時和里何正宸女適文興里諸生吳國棟次
子庠生融朗年十七于歸二十四夫卒孀居苦守
訓誨嗣男濂雍正癸丑成進士任山西偏關令乾
隆四年奉 旌建坊文興里小孤山之麓

王兆宋方民里人適新安里林日桐夫卒茹苦撫孤
堅操不易平潭分縣呂旌以丹心鐵如

陳氏江陰里莊森妻年二十四育子二夫卒孀居撫

福清縣志

卷十九

節婦

三

成二孤次男騰芳三男紹俱入泮乾隆二年建坊
旌表

郭春宋絲亭郭忠修女適逕江林世震夫卒年十九
遺孤三齡夫弟世雯娶郭君蓮女卽氏之族姑也
年二十五而夫天遺一女四歲一男十閱月欲以
死殉夫氏勸以撫孤存嗣遂同貞居未幾孤殤氏
率男奉養叔母終其天年男成立入國學孫五一
入膠庠氏守節四十年未嘗不以勤謹自勵也

陳氏三山人叅議陳亨孫女年十八歸聞讀庠生鄭

荃子禹亭夫卒欲殉翁姑指幼女慰之曰俟此女長而嫁死未晚也氏勉強從命居孀帷足不踰閭敬事翁姑愛卹弟姪胞弟陳漢丁酉舉人胞姪世賢庚戌進士生平讀書皆氏捐糶奩佐之女長歸文峯庠生薛枝男歸後六閱月果祝死年五十三吳瓊宋玉塘吳鳴祿女適明經魏經國弟潛卿夫病侍湯藥九年不懈夫卒遺腹孤越七日而生慈撫成立例入太學年六十有四而終

王氏江頭國學生王可弼女適磁窰舉人李建極年

福清縣志

卷十九

節婦

廿

十八于

歸二十七歲夫卒撫孤雲龍宦成績著皆氏茲訓之力也卒年五十有三乾隆丁巳

旌表

林氏務厚林家女年十九適國學生吳世錦未逾年夫卒遺腹孤聿涓撫養成立娶婦蔡氏年十八聿涓復卒蔡亦守節一門二寡相依爲命歷四十七載備極勞苦年六十六無疾卒其女吳淑女適邑紳李開葉子文烜甫逾月夫卒孀守三十餘年

旌表節孝

薛氏癸酉科舉人陳邁真繼室年二十五孀居子方

六歲課督入泮食廩餼蓋慈教而具義方也中丞趙請旌建坊

吳騏官北二隅舉人吳士瑠女適星橋庠生陳正瑞男國學祚達年二十二夫病卒子方三歲節守撫育遺孤凡婚娶交葬諸禮皆氏黽勉成之也卒年六十有一

夏葵官后埔人適明經陳文雋長子鼎燿年二十三而寡撫二孤成立事翁姑篤孝敬其母獨生氏一人于歸後迎養在家爲夫營葬隨卽營其父母墳

福清縣志

卷十九

節婦

七

俱坐在埧頭後病重撥田產囑二孤曰生以是爲吾母養死以是爲埧頭二墓祭至今永遵遺命卒年五十有四

薛徽宋岐陽諸生薛周文次女適磨石儒士劉爾清夫死氏年二十七孀居孝事翁姑撫六齡孤子歷盡艱辛年五十有九卒

林靜宋後埔人年十八歸玉澗陳從禮方十年夫卒孤甫七齡氏冰霜矢志歷三十二年而終邑侯劉旌以名閨士行

建宋北隅庠生林夏岱女適明經陳文雋三子
熒年二十四而寡遺一男一女孀居七載男殤于
痘女亦繼亡將殉焉爲翁姑慰留而止擇嗣子鳴
球撫之成立終身淡服茹素足不踰閩孝事翁姑
故翁姑謂人曰吾有若婦吾兒不死矣

趙高官三山舉人趙芝望女適玉塘舉人吳天祉之
子達侯天祉任江南鳳陽衛千氏與夫隨任因翁
註誤攜眷歸里至揚州夫卒氏年二十有二孤廣
方四歲扶櫬而歸矢志孀守後翁卒于遼陽唯以
福清縣志卷十九 節婦 其
旅櫬未歸爲念及孤稍長遣往運回堂見四代年
七十有八而終

林氏時和里溪乾人適本里登瀛余正侯年十九于
歸逾四載夫以病卒遺孤三歲氏矢志孀守奉舅
姑撫孤兒喪葬婚娶各盡其道卒年六十有九

張懿字候邑諸生張鹿甫女適化南里郡廩生韓榮
子振宗甫入學而卒氏年二十五翁姑在堂孤子
生甫九月矢志孀守及男璋八歲而翁卒無葬功
之親同老姑功子寄居父家紡績度生教子讀書

奉老姑唯謹至男入泮乃謀歸卒年六十有二
薛端莊福唐里人年二十歸時和里庠生張鎬子登
渭夫病氏割股和糜以進湯藥衣不解帶者經年
夫卒決計欲殉家人勸以老姑垂白代養無人自
是以十指度日奉姑姑死一切衾殯皆氏手製喪
祭哀痛感動鄉鄰建坊

旌表于時和里祀節孝祠享年六十有六

林舉宋梓園人適時和里余彬卿夫卒年二十四孤
方二週苦志孀守終身茹素誦經爲孤男植福衆

福清縣志

卷十九

節婦

七

嘖嘖稱之卒年六十有八

王愛蓮化北上江頭人適登瀛余廷秀夫卒年二十
一遺孤方週歲矢志孀守孤幃不苟言笑歷六十
年如一日其闔型有足式云

李在宋磨山人舉人李大海胞姑適登瀛余元燮夫
卒年二十九遺孤甫三週氏矢志孀居上奉二老
下撫一孤後男克振家聲孫曾繞膝卒年六十一

李新宋定蓬李敏中女適逕江儒士林百范氏年二
十六夫卒苦志撫孤勤勞家計葬祖先及已親諸

男森立俱入成均歷膺旌扁乾隆年間奉旌建坊
祀節孝祠孫必映雍正甲辰武舉人福挺乾隆壬
戌武進士福振乙丑武進士 欽授侍衛曾孫肇
燮與福振同榜進士餘多列貢監庠序

楊梨姐閩縣人文江何均妻于歸時姑已亡翁年老
氏二十九歲夫卒進飲食于翁必流涕痛夫不能
終養督二子長列國學次又天媳江元宋生孤週
歲欲殉氏以大義勸諭之媳聽命撫孤觀瀾入泮
姑媳雙節楊氏卒年八十江氏卒年五十有二

福清縣志

卷十九

節婦

共

施芝宋時和里人廩生林熊長孫爲哲妻年十七歸
于林越七載夫卒遺二孤長孤殤次孟廣娶婦陳
氏生孫未幾施氏與次男及孫相繼而亡陳氏哀
毀欲殉夫叔爲思泣曰亡兄不祿世遭憫凶吾兒
承其嗣卽汝兒也汝宜憇而督之以慰先魂氏悟
乃以節終年五十有四

李淑徽候邑人知州李賡明孫女適化南里貢生林
轂森森本生母連氏早亡氏奉嫡姑唯謹年二十
五夫卒撫三孤課督有成長芷淳領雍正甲辰鄉

薦次起任季信紋俱列膠庠雍正十年旌表建坊
施貴宋時和里施堯畹女適同里余溥友于歸四閱
月而夫卒因翁姑無人奉事孀居自守生養死葬
各盡其禮立嗣子不育再立訓誨成人族鄰欲僉
舉旌獎氏決辭之卒年六十有二

張氏閩縣霞浦街張騰宇孫女適時和星何裁承夫
卒年方十九哀慟願死念本生姑朱氏年老不忍
棄婦職乃飲泣奉侍晨夕冰心霜節歷久彌貞年
四十四而卒

福清縣志

卷十九

節婦

七

郭回宋井得里何允富妻年十八歸允富三載生一
兒夫病藥餌躬親願以身代及卒誓志居孀督孤
兒以承先業歷三十六載而終

何金宋龍田何光奐女陳廷山之妻夫卒遺孤二氏
年二十二孀幃遂志撫教二孤矢冰磔不渝也邑
侯莊旌以操媿霜筠

薛春官薛港文龍女適龍田方昌遠年二十二夫死
無子苦節自守年五十有九卒

夏玉宋北隅儒士夏理占女適塘東林爾悌次子潮

年二十三夫卒子嘉鏞方四歲柏舟自矢終養爲
姑迨葬畢挈子依母家勤績最讀嘉鏞弱冠入邑
庠母訓力也卒年五十一士夫弔輓詩文盈帙乾
隆元年大中丞盧題旌建坊在新豐里白亭祀節
孝祠邑侯饒表其墓

陳聯宋臨江里陳士玉女歸本里何崇懿康熙壬午
夫病卒氏年二十有六家貧苦志守節菽水熊丸
力勤不懈雍正甲寅邑侯張公以節比松筠扁其
門

福清縣志

卷十九

節婦

三

潘庚宋閩邑人歸國學生葉積濬夫卒孀守撫孤歷
三十年

王璵宋張士奇妻年十九于歸二十七歲而寡孀守
撫孤至雍正巳酉年孤復故氏年五十有一終撫
四歲孫成立乾隆十一年旌表入祠建坊省郊

張品宋龍田張明燕女年二十適東瀚林其誠甫九
閱月夫卒乏嗣氏哀痛誓以死殉親屬勸止擇郎
伯之子迪策爲嗣氏乃忍隱撫成之年五十九終
何嗣音廩生何龍見女適龍田張登禧夫卒遺孤八

閱月矢志孀守撫孤成立終身茹素子稍長令其
營造先墳卒年七十有一

陳亦官五龍人監生薛鼎祖妻夫卒年二十二孀守
撫二孤事祖姑及姑兩次割股以療姑病卒年五
十歲

何宥宋龍田人哀翁翁兆瑞妻瑞卒孀守撫孤已經
旌表瑞弟國學振理于康熙丙申年卒妻陳達宋
年二十有七而寡又弟兆玟于康熙庚子年卒妻
林科宋年二十有三而寡又弟兆琛于壬寅年卒

福清縣志

卷十九

節婦

世

妻王祉宋年二十二而寡又弟兆璧于雍正丁未
卒妻吳鴻宋年二十八而寡一門五寡守節同心
雖事之不幸亦事之所難也

林戍官逕江庠生林文學女適明經陳文雋長孫明
奇夫卒氏方二十有一遺孤正忠甫晬氏矢志孀
守課督孤兒夙夜不懈初姑之母無子迎養在家
姑沒後氏奉事二十年如姑在日年五十有二

陳貴宋永賓里陳駕山女儒士王子槩之妻也夫卒
長男四歲季二歲翁姑垂白在堂氏矢志孀守專

翁姑育幼子苦節三十六年

倪細宋文興里人適登瀛余滔侯氏年十六于歸七載夫亡遺孤四歲悲號旬日誓必身殉翁姑再三苦勸氏乃苦志孀居紡績孝養督兒以耕漁爲業年今八十有四

敖靜官東隅在坊敖君潤女適仁壽里林君亮夫卒孀居撫孤旌表建坊在北一隅年今八十有四林端宋海口人適新安里林大珩夫卒年二十有四孀守撫二孤邑劉旌以節孝可風今年八十有四

福清縣志

卷十九

節婦

三

子孫衆多

劉珍使閩清人適海下里念兆申遷居省城夫卒家貧親屬助其歸籍撫三孤成立奉恩旌獎張邑侯扁以松筠節操年今八十有二

翁巧官瑟江翁本靜女登瀛余文順妻也夫卒年二十七孤方彌月老姑在堂病瘋氏盡孝奉侍孀守五十五載今壽八十有二

黃夏宋化南里人適平北下里林國需十七于歸越五年夫卒撫孤光雲娶媳楊四宋四載光雲亦故

姑媳相依冰清槩苦閩節聯芳今黃氏年八十一
楊氏亦逾五旬

余球官登瀛余肇琦女適閩邑諸生羅正麟十九年
歸六閱月而夫卒遺腹三月氏欲殉姑諭之曰而
有孕可延一綫脉以慰而夫矣曷死爲氏從之至
分娩生男家徒四壁托外家周給撫成遺孤迄今
垂六十載

石努宋永壽里東張石名禮女適安香里郭伯御年
十八于歸二十五而夫卒無子撫嗣孤有成孫曹

福清縣志

卷十九

節婦

三

繞膝孀守五十三載年今七十有八

王夏宋江頭王可鼎女適玉亭林君輝夫卒氏年二
十七遺兩男一女孀守撫成之痛已父無子母苦
節熒熒以次子承奉綿其血食今年七十有六
林蒞官孝廉林秉需次女年十八適玉澗陳恭陶年
二十二夫故氏苦節孀居以夫弟長子承嗣撫育
恩勤孫曹蕃衍年今七十有五

阮喜宋東方人適登瀛余正炳于歸六載夫卒遺孤
一二歲室如懸磬并日一殮撫孤稍長卽教以習勤

營葬盡禮迄今七十三歲矣

余清宋南上隅人適新安里陳子山夫卒氏年二十七矢志撫孤子又夭撫二幼孫不辭勤瘁今年七十有二

歐重宋西歐歐元簡女適北陳陳善英夫卒氏年二十四遺二孤又遺腹一子勵志孀居不辭勞瘁撫三子俱成立歷今四十八年

何明官龍田何光世女適庠生魏莊次子士儀夫卒氏年二十有四生子公謀甫兩月孀守十八年娶

福清縣志

卷十九

節婦

廿

媳生孫未幾男公謀與媳俱死氏與孫相依爲命復二十年娶孫婦舉曾孫始終有成可謂克家婦矣今年七十有一

歐順宋西歐人適登瀛余暢侯年二十于歸夫病臨危告之曰生寄死歸我死汝去亦事之常其如我母及遺雛何氏不荅及疾革經紀其喪事姑撫子各盡其道姑年九十終氏今亦七十矣

翁靖宋瑟江翁士明女適平北上里江伯芳夫故年二十三孀居四十七年孝養翁姑課督孫子邑侯

李給扁旌表年今七十

林安官文興里邑庠生林璠女年十八于歸永賓里
國學生陳良葵夫病在床四載氏奉湯藥不懈割
左右兩股以進弗效夫卒欲殉念老姑在堂男女
在抱耐志孀守代終有道歷今四十餘載老而彌
康云

鄭瑞官省城鄭宜炳女適綿亭郭伯居夫卒孀守撫
孤歷五十餘年勤女紅嚴母訓老而不怠今年七
十四代同堂

福清縣志

卷十九

節婦

七

林榮宋東瀚林崇朝女適邑中魏士魯夫卒氏年二
十五長子公毅方六歲遺腹生次子良輔氏茹苦
紡績葬公姑課二兒成立長公毅娶陳氏子週歲
而公毅亡陳氏方二十四歲子又殤兩孀苦守爲
次房婚娶以承宗祧林氏年今六十九陳氏亦五
旬餘矣一門雙節閭里稱之

鄭邀弟福省人西塘陳仲桓妻于歸六載桓遊江蘇
而卒氏年二十有七子禹昂四歲孤幃矢守志凜
冰霜事翁姑無違禮撫幼子膺貢成均歷今四十

餘載壺範有光云

魏永宋六十都國學魏開陸姊適在坊劉邦潢潢于康熙辛巳客死寧波氏將服飾盡售運櫬歸里遺下三孤婚娶畢兩男繼天氏與二媳相依荼苦爲其歷今年六十有七

薛龍宋時和里積庫人適龍田方元侯夫死氏年二十五力勤紡績子女不免饑寒氏夷然無愠也歷今年六十有七

林朝宋東瀚人適瑟江翁肇階十八于歸翁早故有

福清縣志

卷十九

節婦

共

嫡庶兩姑在堂越二年嫡姑故再越二年夫故庶姑何氏年十七寡雖無所出誓不別調同媳孀守年五十三而卒林氏將先人營葬擇嗣男未週歲撫而教之歷今六十有七

李文宋在坊李君度女適永壽里卓士岳夫卒氏年二十有二苦志孀居紡績不怠葬先墳裕後嗣歷今年六十有七四代同堂

陳省官杞店陳永勳女適逕江庠生林心玉子有潢夫卒氏年二十六育男三又遺孕五閱月生男振

榮力勤孀閩撫訓諸孤俱有成振榮列黌序孫曹振振稱盛年今六十有七

莊正官清源里庠生莊天山女適善福里黃世鍵夫卒氏年方二十五遺孤四歲矢志撫孤嘗艱苦守膏沐孀居四十一年如一日翁八旬餘孝敬不懈姑病在床服侍唯謹生事死葬各盡其禮奉

旨旌表

王彩玉年二十適瑟江翁煥二十九歲而寡撫二孤勤訓有成嚙冰茹檠歷今三十七年乾隆丙寅奉

福清縣志

卷十九

節婦

七

文旌表

李玉使永賓里贈翰林庶吉士邑庠生李欽亮女適新安里儒士鄭元香夫病刲股和藥衣不解帶者五閱月夫卒無叔伯止有兩男長五齡次在抱祖遺少田產家貧堂上尚停翁及三姑與夫共五柩未葬非易了局氏矢志孀守勤紡績督孤兒讀書積十餘年五棺次第俱葬後爲兩男婚娶家無餘囊有貧乏告急拮据周之奉旨旌節孝族鄰方欲舉報氏曰守節吾分也何邀名爲歷四十餘載

孫男七人今年六十有五

夏英宋龍山夏孟恭女年二十于歸漁溪鄭士爵夫
卒年二十六矢志孀守家貧無寸土勤女紅撫二
孤備歷艱辛貞操彌勵焉歷今六十五歲

翁靜宋瑟江人文峯薛允祥妻家貧生子兩月夫卒
氏年方十九意欲殉念存孤爲重矢志孀居撫孤
成立四十餘年紡績不懈足不踰閩今年六十三
蔡雅宋臨江里人適龍田施長祚夫卒長男三歲次
在抱撫養成立苦守四十餘年終職無忝

福清縣志

卷十九

節婦

廿

王端宋港鏡庠生何娘之妻年二十于歸夫病三年
侍藥衣不解帶刲股減壽竟不效夫卒欲殉翁姑
力勸之乃孀守以終婦道稱未亡人者四十餘年
陳蕙宋西塘陳克祉女適松潭周肇貴于歸時年已
二十三矣越五載而夫見背男錫球甫週歲撫而
督之早列郡庠母訓力也氏勤儉而識大體營高
曾窀穸爲夫兩弟婚娶皆不惜汗貲奉憲題旌
建坊在本里何李地方

李節宋錦城李秉崗女年十九適本里陳劍欽次年

夫卒貞志孀居因家口浩大伯叔分居翁姑憐其苦志留與同爨恭敬不懈紡績以資不逮今年六十有五

盧興宋方成里盧秉祥女適本里林道侯年二十七而夫卒孀撫二孤長男伯貞年二十七亦天氏與媳陳氏相依紡績度生督諸孫不倦今年六十四俞金宋里美人適玉澗陳允位夫卒家貧孀守侍養翁姑撫二子慈訓成功奉文建坊水陸橋東旌之年今六十有四

福清縣志

卷十九

節婦

芄

陳科官星橋原任浙江叅將陳蘭女適永東里武舉人俞經國夫死氏年二十九矢節孀居事老姑督孤男克自樹立今年六十有四

李懿宋定蓬人上逕國學林邦彥妻夫卒孀守撫孤成立乾隆辛酉男亦天遺孫三人與寡媳葉氏熒熒相守奉文旌表建坊于石竹山麓祀節孝祠

薛蓮宋鰲江薛宜鼎女適平北上貢生江文選長男國學生大行夫故氏年二十六事翁姑督兒曹茹茶飲冰克盡婦道年今六十有三

陳瓊宋杞店陳昌魯女適永東里國學俞懋績夫卒
氏年二十七堅志孀幃勤紡績足不踰梱撫孤兒
訓誨有方今年六十有三

施回宋大墩甲施德章女年十八歸文岐山陳明雲
生二子雲中蛇毒病不起囑氏以善事父母撫孤
兒氏許諾雲卒氏年二十有三家中郎叔五人皆
幼穉自舅姑以及家人計口二十皆氏一人操井
臼越數年次郎叔失偶一女二男唯氏是依及叔
續絃而三子仍依伯母後姑以家口浩繁命析箸

福清縣志

卷十九

節婦

罕

氏擇田廬頹朽者歸諸已衆有積金誠二子勿問
及姑歿喪葬竭力成禮誠女中之知道者歟

張才宋永東里劉子通妻也夫卒氏年二十二矢守
孀節勤女紅寒暑不怠越今四十餘載營葬先塋
克成婦職云

陳姻官永賓里陳正莊女于歸方成里庠生林鼎銓
男撫吉夫卒氏年二十有八冰雪勵志撫男淑泰
娶婦俞氏未幾泰亦夭姑媳相依慈訓二孤雖食
貧而苦節同甘也陳氏年今六十有三

陳酉宋永壽里人年二十二歸玉井鄭雲卿三十歲夫卒家貧甚借貸以資殯殮力勤微積償貸錢且營墳域焉今年六十有二

方書宋六一都方宗山之女清遠里蔡賢之妻也夫卒時男四歲女二歲家貧無依氏茹荼集蓼勤苦多方埋先代棺柩教孤子有成歷今三十四年

葛燦官浦城司訓葛炆女適明經陳大受夫病奉侍湯藥衣不解帶叩天願以身代夫卒欲殉族戚婉勸諭以殉死立孤之難易氏乃甘心苦守訓子成

福清縣志

卷十九

節婦

四

名撫憲旌以操逾金石年今六十有二

王秋宋馬山王大來女適孝廉陳立敏孫允柏夫歿氏年二十四孤方三歲矢志自守事寡姑翼孤兒不辭艱苦汗積微資營先墳而已壙附焉今年六十有一

姜榮宋福寧府人適新安里林開爍于歸六載生一男夫卒欲殉忽夢有人云姜氏有四代之榮遂矢志撫孤飲檠不渝歷今堂開四代年六十有一

何淑端化南里何浩昌女適楊葉春夫病典衣釵以

供湯藥夫卒孤方週歲矢志守節承翁姑歡卽已
父母亦多資奉孀居歷三十七年

葉福官候選縣佐葉進觀之女適永東里劉孫永夫
故氏年二十有八撫育二女矢志孀守冰霜比節
今年六十歲

陳敬宋永賓里大厝陳仍茂女適登瀛余珽侯夫卒
氏年方二十家貧如洗柏舟勵志誓不二天歷遍
辛酸毫無愠色其事舅姑和妯娌戶有賢聲焉迄
今年邁六旬

福清縣志

卷十九

節婦

四

林成宋東垣林士爵女適星橋陳長絳年二十四夫
卒遺腹生男氏茹荼撫育之困守歷三十餘年

林淑和庠生林枝高女適何朝璇夫卒氏年二十四
遺孤西崇方週歲撫養成立娶婦王氏五月西崇
夭遺腹生男氏慰其媳曰幸遺一絳何氏宗祧有
托矣吾與若當善撫之姑媳相依冰心相照林氏
年今六十

游進使化北下里游榮卿女適平北上里翁士瑄氏
年方十七于歸十九夫卒遺孤週齡姑六旬老病

餽粥不入口氏一乳哺子一乳奉姑朔望禱天減
壽姑幸無恙又增一紀孀居四十餘年

鄭寧宋靖州知州鄭古春女適舉人魏藻子太學生
可仲夫死氏年二十九矢孀守貞靜型家鞠育有
成今年五十九

林兆官故儒士方宏妻夫卒氏年二十九孀守三十
年撫男樹謨俾成雋才乾隆辛酉樹謨膺選拔學
院于旌以孝節慈壽

俞舉宋永東里俞得起女適在坊陳朝忠年十九于

福清縣志

卷十九

節婦

四三

歸生一男一女二十八歲而夫卒矢志欲殉諸親
曰爾死二子何依數代香烟誰繼氏不得已苦守
紡績度生汗積微貲爲翁姑及夫次第營葬念已
父母年老時分力奉養今年五十有九

吳殿官玉塘吳良調孫女適龍田方峻武夫卒氏年
二十九撫二孤上事老姑敬順無間生平持素守
靜三十年足不踰閩衆稱閩懿焉

陳升宋陳汝河女適龍田王三德年二十二夫卒苦
節孀守遺孤二歲家貧耕種薯麥紡績不懈以供

朝夕年今五十有八

王玉宋江頭王德雲女適時和里張大隆夫卒氏年二十有二遺孤二孀守撫之夫兄瑞憫其苦節也時加賜恤迄今二子成立歷四十餘年

施細宋時和里施觀運女適北陳陳善賢夫卒氏年二十四遺腹生男矢志撫孤成立迄今年五十七陳雪官珂與陳用暢女適魏嚴卿夫卒立嗣孤又殤家無宿糧日只一餐紡績度生冰霜之操彌凜也歷今三十五載

福清縣志

卷十九

節婦

四

翁定宋翁允蓋之女諸生翁聯奮族妹適龍田何龍承于歸半載龍承往關東生理卒家貧無依聯奮請定宋回家與寡媳李安宋相依同節冰檠三十餘年今年五十有七

翁淑榕武進士茂枝姪女適舉人王瓊之姪聖适年二十五而夫卒氏欲殉念子方週歲不忍今其失恃也苦守孀幃撫孤兒侍老姑松筠凜操今年五十有七

謝璧宋歸新安里郡庠生林良年十九于歸甫四月

夫病氏屏膏沐手藥餌歷五月而夫死欲以身殉
翁姑強勸之遂苦志守節以伯兄之子承嗣孀居
三十七載爲閨中樹範

魏協官明經魏經國女適孝廉葉積沂長子郡庠生
廷和夫卒氏年二十六撫遺孤成立娶媳生孫四
歲兒夭孤亦殤氏悲哀儉勤整理家務與寡媳陳
氏朝夕相依足不踰閭梓里欽爲雙節云

俞梅官登瀛人適永賓里舉人王士元孫克安夫卒
氏年二十四孤又殤繼姑欲奪其志氏割耳自誓

福清縣志

卷十九

節婦

卅

衆憐而敬之居孀幃訓嗣子嚴勤靡間今年五十
有六

江蓮宋明經江萬青姪女適瑟江翁肇淮夫故氏年
方二十四居三十一年侍老姑訓孫子始終不倦
里巷賢之

林鳳官時和里東歐林尚貞女適龍田何述四夫卒
氏年二十四家貧如洗矢志孀居種蔬爲生嚴督
三子成立歷今年五十有五

江寶宋平北上里人適西塘陳仲時夫卒氏年二十

五遺孤四歲孀守撫而成之今年五十有五

夏桂宋後埔人適文峯薛廸明夫病服事兩載不懈醫藥不效謂其夫曰郎君若不諱吾必身殉夫止之曰吾兄弟家貧汝勿以此累也夫卒年方二十有一遂移居于其兄家安苦節擇嗣男爲夫安葬
黽勉代終戚里賢之

吳秀宋平北下里吳朝儀之女適本里涵霞方唯亮夫死孀守撫孤翁病刲股和羹而愈之甚得歡心
年今五十有五

福清縣志

卷十九

節婦

吳

陳招宋赤嶼庠生陳玉紹女歸上井太學生林邦灝之子兆則兆則死氏年方二十三孤未週歲孀居撫育成立今年五十有四

施細官龍田施思靜女本里何恒恩妻夫卒氏年二十三遺孤二長方四歲次在抱氏苦志孀守迄今三十一年

黃淑貞閩縣茶焙舉人黃德裕孫女年十九適嘉松分司鄭一楓長男國學生焜夫質弱多病氏侍湯藥五載不懈夫卒氏年二十四誓不欲生以有遺

孕四月姑力阻之遂甘心孀守果育男槩飲熊和
辛苦自勵歷今三十餘載有光宦門焉

張挺芳龍田司訓張慎庵女適玉塘吳天祚二十于
歸二十三歲夫卒氏矢志守節訓子成立名列成
均孀居歷三十一年

張氏龍田張孝大女適西塘陳昌異年二十四夫卒
子長四歲次二歲相繼俱殤夫弟二亦天翁姑又
同喪夫兄與嫂後亦繼殂十年之中一家淪亡殆
盡只存夫兄二子氏擇其少者爲嗣貧無寸土女

福清縣志

卷十九

節婦

七

紅度活微積爲嗣男婚娶今年五十有三

王碧官郡庠生王魄之女許配庠生陳攀龍男啓萬
萬病篤家人謂合卺可壓喜欲成婚從之女轎至
而萬將危矣氏奉侍五晝夜而萬死誓以身殉翁
姑泣勸勉從之孀居三十五載彤管有聲云

何夏宋龍田諸生何若雲女也適貢生陳爾銘夫卒
氏年二十二孀守撫呱兒及遺腹孤舉有成功歷
今三十一年

何金宋龍田贈奉政大夫何其玟女適本里登瀛太

學生余益友于歸四載夫亡遺下二女氏欲殉中外諭以一死不難二女何依乃爲夫擇嗣撫二女長適進士薛士中弟士雍次許配未婚殉烈氏生平華飾不御燕笑不形苦積微貲營兆宅葬翁姑以夫與已夫婦附焉冰檠自持歷三十年如一日云

魏淑齊平北下里人適時和里王則錫于歸九年夫故子未週歲孀守撫教迄于有成

鄭安宋后埔街鄭志輝女適西塘陳守莊夫卒子方福清縣志

卷十九

節婦

四

週歲氏矢志撫孤後翁亦死與姑相依教子成立今年五十有二

鄭英宋蘇田鄭盛廣之女適龍田張龍卿子太學生文美夫卒氏年二十八遺孤幼穉氏痛欲身殉老姑及夫兄諭以存孤大義氏乃忍死撫育之夫兄延師造就其孤蓋以成氏之志也歷今孀居二十餘載

何長宋時和里人適平北上里陳鼎隆夫卒孀守事翁姑撫孤兒造墳塋葬翁姑及夫三柩年五十一

張珠宋時和里張明莊女本里何嘉鵬妻也夫故卽
伯姆亦故姑老無人奉侍氏孀守拮据事姑歷三
十餘年毫無難色

張氏海口林英妻英僑居省城娶氏五年生一女而
英卒氏孀居少期功之親又無產業可資以女紅
自給并日而食晨夜勤劬積微貲嫁女葬夫鄉隣
高其節

列女總論曰宇內含齒戴髮之倫甚衆其維繫
乎有生之理惟忠孝節烈數端則所謂明人倫

福清縣志

卷十九

節婦

四

者明此而已學者狃於流俗固有身齒縉紳之
列而柔靡自甘反遜於巾幗女流者豈明倫之
謂哉余續纂閩貞志自有宋以迄今茲貞烈節
孝叙事紀年計不下七百人噫何風之盛也徐
立齋先生舊論云閨閣中人未盡聞先王之訓
而或一意終身或片時引決其於聖人立教明
倫之旨盖有合焉直足以風鬚眉冠帶者非獨
爲巾幗之師而已洵哉其言之也

節婦未經立傳者附後

林氏 何尚友 妻 已旌

林氏 何仲亨 妻

莊氏 嚴有章 妻

陳氏 何世桔 妻

王氏 林實 妻

何氏 周大球 妻

林氏 陳瑤玖 妻

葉氏 陳赦保 妻

嚴氏 張宗泉 妻

何氏 施茂英 妻

馬氏 郭宏鉞 妻

莊英娘 翁引錄 妻

王氏 夏淳甫 妻

王氏 夏霖繼 妻

馬氏 王世佳 妻

夏氏 薛世堅 妻

林柏女 余文宦 妻

朱氏 陳崇華 妻

李氏 陳孔詩 妻

閻氏 呼文靜 妻子 良明任都督

毛氏 林文鵬 妻

蔡氏 知縣鄭 時化 妾

林氏 何邦瞻 妻

余氏 盧文旦 妻

福清縣志 卷十九

節婦

辛

陳氏 何邦特 妻

方氏 何文琪 妻

何氏 毛時選 妻

曾氏 毛仕伴 妻

林氏 何世祚 妻

郭氏 林萼 妻

林氏 施作賓 妻

林氏 施爾泰 妻

林氏 鄭廉 妻

郭氏 魏則光 妻

莊氏 嚴朝鏘 妻

林氏 郭思昭 妻

嚴辰娘 陳琪 妻

龔氏 楊有宋 妻

翁氏 楊有容 妻

何氏 葉仕傑 妻

林氏 葉廣衍 妻

石玉英 林雍 妻

劉氏 敖如會 妻

何氏 林廷弼 妻

施氏 林廷維 妻

鄭氏 林時機 妻

崔氏 林可試 妻

郭氏 林文金 妻

陳氏 林棟 妻

蔡氏 林峩 妻

郭氏 薛元禮 妻

沈氏 妻夏 筭卿
徐氏 妻嚴 公稷
郭氏 妻嚴 有鐸

趙氏 妻秦 與晉妻
林氏 妻夏 泗傳
黃氏 妻林 守謹

翁氏 妻林 宗名
莊氏 妻嚴 鉦
陳氏 妻嚴 應會

陳氏 妻林 守甯
吳氏 妻林 守鄭
陳氏 妻嚴 以琫

高氏 妻夏 朝熙
王氏 妻劉 良賈
薛氏 妻翁 行可

郭氏 妻林 尚昂
何氏 妻林 宗榮
張氏 妻林 子春

蘭二姐 太史 施兆
王氏 妻林 守杓
暢氏 妻林 岩

莊氏 妻林 側室
陳氏 妻毛 肇芳
郭氏 妻林 守頊

林如玉 妻葉 益褒
林細靜 妻葉 益宸
陳三娘 妻劉 承聽

福清縣志 卷十九 節婦 五三
周氏 妻夏 應遇
潘氏 妻夏 渠
王氏 妻陳 時

林氏 妻薛 詩
黃氏 妻庠 生林
林氏 妻世 謀妻

鄭氏 妻文 銓妻
林氏 妻施 堯叟
劉氏 妻謝 夢鯉

林彥宗 妻陳 國熊妻
林氏 妻馬 文鈞
林莊使 妻于 闓妻

方居宋 妻文 峰薛
林細金 妻文 峰薛
方正宋 妻文 峰薛

施莊官 妻文 峰薛
施秀宋 妻文 峰薛
謝華宋 妻文 峰薛

余愛宋 妻文 峰薛
林武宋 妻文 峰薛
顏氏 妻文 峰薛

周新金 妻文 峰薛
林壽宋 妻廩 生薛
翁尾宋 妻席 恩妻

薛氏 妻登 瀛余
郭氏 妻王 永敬
高長妹 妻鄭 一楨

陳金宋 黃得乾 阮金宋 方元周 吳秋宋 陳廷恭

翁玉宋 嚴志續 陳有宋 嚴常白 祝氏 監生陳樹妻

葉氏 監生陳兆 林氏 陳樹鷹 王氏 陳士謙妻

王雪宋 化南里郭 張整範 方民里 何恭宋 玉塘吳

魏定宋 文興里王 林朱宋 江陰張 吳順宋 翁肇光

俞寶宋 玉亭林 劉細宋 王君遠 施懿宋 監生方

鄭美官 文興里吳 王治宋 西隅朱 蔣琚官 有俊妻

周鳳宋 時和里林 林觀宋 產塘余 莊煥宋 嚴朝忠

周節宋 龍田林 俞懿宋 龍田張 何雪官 龍田施

福清縣志 卷十九 節婦 五

黃招官 龍田施 余謹宋 龍田張 何德官 時和張

魏月宋 龍田施 葉申宋 平北里鄭 陳儒宋 錦橋張

郭觀宋 平北鄭 田酉宋 臨江里陳 余端宋 江頭王

何全宋 杞店陳 陳聚宋 井得里何 李斗宋 庠生陳

沈金宋 庠生王 張玉宋 在坊林 何成宋 薛港薛

王嫩宋 何元品 石懿宋 鰲江薛 陳源使 王塘吳

林瑛官 萬安里鄭 林榮宋 遵義里陳 黃煥宋 北灣吳

林紫宋 後王林 張星宋 登瀛余 陳連宋 嚴常輔

高玉宋 嚴伯豪 林鳳宋 嚴伯朝 鄭卯宋 平潭游

林隣宋六一都何林敬宋化北余林晚宋登瀛余

林氏錦城王施完宋新安陳陳佑官新豐林

莊進宋藍田嚴翁珠宋虹溪黃林成宋江陰陳

莊雪宋沾澤陳林昭翁江陰陳姜敏宋江陰陳

李尾宋新安里陳李然宋世彤妻王秋官新安鄭

嚴賢官上逕林李招宋定山鄭施梅官萬安鄭

倪珠宋仁壽李吳燦官化北里侯林細宋青嶼張

張庸宋化北里林薛琛宋平北里蔡薛丁宋平北陳

鄭英宋平北里杜林雪宋杜子蕃吳奇宋陳伯儀

福清縣志 卷十九 節婦 五

方正宋大厝陳萬氏玉澗陳聿林福宋翁士章

林開官湖濱王劉金宋文興里倪余莊宋瑟江翁

鄭徽宋藍田嚴何玉宋後埔嚴林氏時和里

林福宋庠生嚴莊貞宋潯頭林陳瑞宋薛庫薛

林氏東坡村王莊婉宋三山墩魏郭氏三山墩王

陳宦官玉亭林陳玉宋福唐薛余書宋杞店陳

翁三宋光賢里陳郭鳳宋會宗妻程秋妹光賢陳

林團宋光賢里黃黃金宋光賢里郭黃銀宋光賢陳

黃玉宋光賢里陳許金宋光賢里黃謝尾宋國珍妻

連玉官 王亭林 于映妻 林明宋 監生倪 茂元妻 林招翁 仁壽王 士章妻

高宜宋 梅塘毛 允周妻 林氏 方時和里 方眠妻 薛文官 龍田方 宗達妻

旌 林氏時和里方騰妻有 林秀宋 石塘吳 國章妻 李翼官 化北魏 信妻

夏春宋 新豐里陳 尚哲妻 吳捷使 永賓里陳 陳寶宋 石塘吳 紹祖妻

林錦宋 仁壽里周 肇仁妻 陳粹官 玉塘吳 元逢妻 陳士金 時和余 彤侯妻

吳嫩宋 而美次女龍溪 邱學雲妻 林宜宋 龍田何 繼春妻 何蒲宋 登旺陳 志成妻

林秀宋 文峯薛 懋達妻 黃閨使 百江林 樑妻 鄭珠官 爾光妻 監生陳

陳氏 前王王 翰妻 陳細金 前王王 筆兩妻 薛氏 前王王 筆仲妻

石鎡宋 隆仁里李 永綏妻 何科官 文塲歐 士長妻 張賽宋 後旺鄭 左侯妻

福清縣志 卷十九 節婦 五五

林端金 庠生張 可潛妻 陳玉秀 錦橋何 朝蕃妻 鄭惠宋 南華何 大灝妻

吳怨宋 湖濱庠生 王奕超妻 何彩宋 新豐里林 尚智妻 周永宋 湖濱王 茂士妻

朱音官 鳳嶺吳 均妻 黃秀官 光賢里陳 朝映妻 林丙宋 庠生張 世經妻

林至宋 監生倪 正循妻 田卯宋 星橋陳 崇海妻 王成官 彭康張 惟調妻

陳龍宋 蒼霞林 聖敬妻 何石宋 玉塘吳 可慎妻 何雙官 東隅念 允啓妻

俞舜宋 小溪陳 正熠妻 鄭貴宋 西洋高 迺軒妻 余禧宋 龍田何 達昆妻

鄧策娘 南山鄭 康賢妻 江節宋 舉人葉 廷槐妻 歐儀宋 嶺南倪 天麟妻

謝諸宋 監生蔡 士焯妻 林液宋 龍田何 恬妻 葉氏 玉塘吳 轉齊妻

魏寧宋 監生林 士沂妻 陳莊宋 逕江林 彭學妻

魏定宋

文興里黃尚疇妻

何淑宋

時和里方承爵妻

張玉宋

在坊林瑤士妻

陳珍宋

朝明女綿亭郭忠安妻

何盤宋

登瀛生員余欽若妻

何育官

仁壽里吳堯林孔建妻

何淑金

蒼霞文學林聖統妻

福清縣志

卷十九

節婦

五